

PEMBERITAHUAN PERTANYAAN BAGI JAWAPAN LISAN
MESYUARAT KEDUA, PENGGAL KEEMPAT,
PARLIMEN KETIGA BELAS,
MAJLIS MESYUARAT DEWAN RAKYAT

PERTANYAAN : LISAN

**DARIPADA : TUAN GOOI HSIAO-LEUNG
[ALOR SETAR]**

TARIKH : 17 MEI 2016 (SELASA)

SOALAN

Tuan Gooi Hsiao-Leung minta **MENTERI TENAGA, TEKNOLOGI HIJAU DAN AIR** menyatakan apakah langkah-langkah jangka masa pendek dan panjang yang akan diambil Kementerian, termasuk pembinaan empangan baru sekiranya ada, untuk menyelesaikan masalah kekurangan bekalan air yang kini dihadapi di Kedah.

JAWAPAN

Tuan Yang Dipertua,

1. Fenomena El Nino dan cuaca kering menyebabkan 3 loji rawatan air (LRA) dalam Daerah Kuala Muda/Yan iaitu LRA Bukit Tupah, LRA Merbuk dan LRA Gurun terjejas melibatkan 1,585 akaun pengguna. Manakala bekalan air ke daerah-daerah lain di negeri Kedah tidak terjejas.
2. Antara langkah penyelesaian jangka pendek yang diambil oleh Syarikat Air Darul Aman (SADA) dengan kerjasama Jabatan Pengairan dan Saliran (JPS) termasuk:
 - (a) pelepasan air dari Empangan Muda bagi menambahkan jumlah aliran air Sungai Muda untuk kegunaan domestik;
 - (b) penjadualan semula pengambilan air di Sungai Muda bagi skim pengairan padi;
 - (c) pengurangan pelepasan air dari Empangan Beris dan Empangan Muda daripada 15 cumecs ke 8 cumecs untuk penanaman padi bagi meningkatkan kapasiti air mentah bagi tujuan domestik; dan

- (d) pembernihian awan oleh Jabatan Meteorologi Malaysia.
3. Sementara itu, penyelesaian jangka masa panjang yang telah dirancang oleh SADA termasuk:
- (a) mempergiatkan kempen penjimatan air;
 - (b) menaiktaraf LRA Pelubang bagi menampung permintaan air terawat bagi Daerah Kota Setar dan Daerah Kubang Pasu dan LRA Jenun Baru bagi menampung permintaan Daerah Yan dan Pendang;
 - (c) meningkatkan kapasiti takungan Empangan Muda, Empangan Beris dan Empangan Malut di Langkawi; dan
 - (d) penerokaan sumber air alternatif seperti air bawah tanah atau desalinasi bagi Pulau Langkawi.